

嘉靖

皇華集

十一

皇華集卷之十九編目

嘉靖十六年丁酉頒 皇太子誕生詔使二

皇華集卷之十六
目錄

皇華集卷之十六
目錄

皇華集卷之十九

國王遣議政判書諸臣侍予遊漢江累饋酒肴
口占二律以紀其勝

龔用卿

石門煙景擁樓臺面水依山絕點埃賈客放船乘浪
去江風引雨入窗來峰迎遠色雲初散水漾浮光日
漸開自是賢藩能敬客諸臣潦倒盡餘杯

其二

城東十里見林丘雲樹霏微映水洲鷗鷺飛飛連島
沒煙波杳杳接天浮海潮初漲舟開纜江雨欲來風
滿樓不盡登臨愜高賞身疑汗漫夢中遊

席中對景而成殊不盡吾歷覽之勝尚有數
語燈下草草不能盡錄也國相判書承旨列
位均此

次韻

議政府左議政金安老

山作橫欄石作臺登臨無地着纖埃徐牽錦纜隨
流下更網銀鱗入饌來雨爲催詩陰乍合天謀諧
賞霽還開百篇一斗由來事河海鯨吞不用杯
俯見平林接遠丘靜憐沙鳥占芳洲靄雲破雨光
初散璧月窺江影忽浮四海文章推使節千年勝
事屬茲樓湖山信美因人顯何啻風流赤壁遊

戶曹判書蘇世讓

江上奇巖矗作臺仙區元自隔氛埃玉簪天際巉
巖秀羅帶鷗邊衮衮來暝色和煙汀柳嫩輕陰閣
雨岸花開百年佳會真難遇緩棹從教且覆杯
花柳叅差護一丘畫船搖曳傍長洲臨風已遣羅
衣舞對景頻催太白浮雲外依稀看遠岫林間隱
約望危樓明朝回首雲泥隔夢裏分明記舊遊

禮曹判書尹仁鏡

雨洗蒼崖月滿臺客襟如玉不生埃地分東極連
山險鶴帶綸書渡海來江路火明鷗欲散沙灘潮

落棹難開殊方喜得逢雙壁未到闌珊莫放杯
流霞勸醉倚沙丘渡口潮平沒晚洲滿樹梅從橫
笛落點空雲自遠峰浮被供勝景頻成句牽興滄
浪早下樓月色正佳江更淨天公應識玉人遊

議政府左叅贊金麟孫

漢江清賞屬高臺淨界寧容一點埃雲物忽隨春
雨散山靈時借晚晴來仙飈遠擁星槎至勝日閒
教綺席閑倚醉辭樓窮景致木蘭舟上更傳杯
勝狀由來擅一丘平沙極浦接滄洲漁村暮景林
間遠海岫晴雲鳥外浮正好中流移畫舫何妨改

席下朱樓平生此會真難又紅燭清尊盡意遊

吏曹判書沈彥光

春風是處好樓臺雨浥澄江淨俗埃東表久知蓬
島近上清誰遣羽衣來齊州九點寰中隘裨海三
山物外開勝地盛筵兼令節更邀佳月共含杯
仙居縹緲在瑤臺湛湛冰壺絕點埃渤海幾人傳
姓字君賓千載見雲來興隨笙鶴過時發樽向江
山勝處開一舸陪遊天所借百年肝膽但深杯
緣崖小築卜林丘面面朱門俯遠洲萬樹落花香
冉冉半山微雨翠浮浮風傳歌吹縈瑤島天取煙

霞與小樓千古名區誰管領春光都付使華遊
未把千金買一丘暮年情興寄滄洲亭依碧巘丹
青老山拱蒼波翠黛浮隔岸香風花糝徑滿江涼
月水明樓林泉如許終塵土此夕應須做勝遊

議政府右叅贊許洽

綠水靈源自五臺新添積雨絕塵埃長洲芳草移
舟近遠渚輕鷗避棹來景物盡供今日興襟懷須
向此中開猥叅勝席非吾分擬向瑤池倒玉杯
漢江形勝擅青丘况是移舟日暮洲明月蘸波沉
壁動輕風吹水細紋浮一江漁唱迷遙浦兩岸山

花映畫樓應想玉堂清夜興海東擬作夢中遊

漢城府判尹吳潔

爲乘春興上高臺徹底澄江不染埃風捲重陰天
外盡人隨聯舫鏡中來潮聲落海詩初就桂影當
樽酒正開歡會百年寧再得畱連且進紫霞杯

天仙擎 詔下青丘雙壁聯翩映綠洲北岸沙平

江半割西溟波濶地全浮高情擬抱三山月妙手
曾修五鳳樓祗恐雲泥從此隔他年儻復記清遊

刑曹判書鄭士龍

席下清波動砌臺登臨魂爽出氛埃映雲小雨談

間過擁髻遙山望裏來坐壓仙曹增境勝舟聯浦
口趁潮開茲遊天借懽多少欲挽長江注酒杯
不須方外訪蓬丘笙鶴欣逢下十洲宮錦袍明波
底絢晴天影落酒中浮懽娛一夕畱仙侶形勝千
秋聳畫樓印跡冥鴻霄漢上只從篇什討清遊

吏曹叅判許 沆

雙節登臨最上臺又浮文鵠出氛埃地連百濟關
河老山對青溪紫翠來漁店日斜遙笛起海門風
急晚帆開井蛙空切平生恨何幸樽前共玉杯
偶驂鸞鶴過丹丘尺五城南俯十洲晴浪養寒朝

海去好山濃翠近人浮笙歌處處停油壁燈火家
家上畫樓誰把長繩繫白日穩陪佳客足清遊

承政院都承旨朴洪鱗

溪山好處着樓臺滿眼風光絕點埃玉節遠從蓬
海下星槎低拂析津來波涵麗日溶溶動舟逐輕
鷗故故開擬掃蒼崖劓醉墨乘流休惜屢傾杯

浩浩長江抱一丘檐帷容與駐江洲魚吹浪影隨
風轉燕蹴花香襯水浮芳草帶煙晴拂棹片雲含
雨遠遮樓天畱秀句傳遐域須記清宵秉燭遊

國王閑宴漢江樓遣諸臣執事是日雨而復晴

蓋亦天從 王命也已而放舟中流東南盡美

偶成二律次雲岡學士韻

吳希孟

嶺外晴雲度石丘一江風浪息沙洲山亭笑語灘前
落漁艇歌聲橈裏浮花帶夕陽飛曲渡柳隨春色上
層樓明藩不說滕王勝屢遣賢良侍壯遊

其二

中流輕擊楫春放一帆開島嶼迎晴日波濤湧晝雷
青山懸斷岸碧水傍長臺獨愛松風好江聲時送來

次韻

金安老

人間不信有丹丘漢水仙舟卽十洲夕日蘸波紅

漾漾江煙連樹翠浮浮晴川有句還題壁長笛何
人更倚樓天上明朝遙悵望遐陬能復記茲遊
入座羣巒簇臨欄一鑑開陰陰雲逐旆殷殷鼓喧
雷遠岸斜通郭橫林半隱臺百年藏勝景畱賞玉
人來

鄭士龍

徐牽錦纜並陵丘容與平蕪又亂洲思入無倫詩
律細才供多患筆花浮高天欲墮三竿日豪氣猶
登百尺樓攀和知難吾亦已此生寧復接仙遊
雨絲風捲去雲葉日烘開發興三杯酒喧江百面

雷晴蕪迷遠渚煙樹接平臺偶賞真存數天仙儻
一來

蘇世讓

斷逕緣崖轉高樓面水開杯盤供宴賞歌鼓殷晴
雷沙遠迷煙樹潮迴沒釣臺江山如許勝應爲使
星來

尹仁鏡

槎穿滄海下襟到漢濱開逸氣鶻橫海談鋒春轉
雷移舟聞捻遂邀月更登臺天遣文章伯江山潤
色來

金麟孫

一任蘭舟過平臨玉鏡開
幸今從李郭安敢託陳
雷落景芙蓉水深花錦繡
臺飄然興不盡剩得月
明來

沈彥光

漢曲芳堤遠樓中綺席開
江山成活畫簫鼓殷晴
雷鶯老家家柳花明處處
臺如何良岑月的的向
人來

亭隨蒼靄豁襟爲好風開
野日含殘雨山雲送晚
雷柳陰青繞渚松影碧粧
臺暮向蠶頭下犀舟緩

緩來

許洽

爲愛皇華至江頭勝宴開旌旗翻夜月歌鼓動晴
雷擊汰凌千頃窮源接五臺故知機事少迎楫白
鷗來

吳潔

山綰娥鬟細江平鏡面開笙歌凝綺席鼓角聒春
雷酒美傳金盃詩清洗玉臺所嗟仙路迥雙鳳幾
時來

許沆

百丈牽春漲仙舟綺席開談鋒時屑玉腰鼓乍驚
雷輕靄呈遙岫晴波襯遠臺任教羲馭晚明月出
雲來

朴洪鱗

向晚煙波遠乘流笑語開舟移快馬波駛撼晴
雷玉節臨丹壑彤襜駐石臺清遊陪杖屨沉醉暮
歸來

慶會之宴盛會也備覽宮闕之勝以盡賓主之
歡情亦至矣聊成小歌以申謝意 龔用卿
名苑花開三月天 賢藩敬客張高筵巍峩勤政之

殿前右華小閣通西偏瓊樓百尺凌蒼煙朱欄碧瓦
高騰騫白石楚楚潤且堅流蘇雜彩團花氊鳳簫鼉
鼓聲喧闐珍盤玉筯調朱絃晴虹曲檻引流泉華池
古樹密鈎連山禽溪鳥飛翩翩虞師更進木蘭船漾
波網罟截洄沿白魚潑潑紛澄鮮入饌不辨魴與鯽
紅紗蠟炬呈金蓮新荷出水大如錢菱葉池藻綠相
牽葡萄滿架水晶懸萬山燈火蟪珠聯畫毬結綺雙
龍纏寶臺璀璨搖雲鈿錦屏玉洞花欲燃蛾眉清影
淨嬋娟翠雲亭子坡之顛老松羣木絕可憐虬鱗盤
屈不計年奇葩異卉石臺邊千紅萬紫鬪春妍躑躅

芍藥映杜鵑柳陰之下多水田叢林漠漠飛鳥鳶經
丘尋壑采芳荃百步九折仍回旋陳茵小坐金杯傳
揮毫凝秀題新篇國王請予命新立亭名因扁凝秀弼雲吳黃門改名拱
極余所改名聳後先對此不覺坐屢遷霞光皎皎月正圓
春宵苦短不知眠多情能有主人賢狂歌一曲畱朝
鮮此景此樂名山川

次韻

鄭士龍

煌煌一札下九天簡使試輟文華筵溫音特承香
案前 皇眷獨向東韓偏臯夔事業駕凌煙文章
賈馬名淵騫義勝道肥志貞堅詩禮自是傳青氊

詞林獨步謝喧闐韻寡適俗如陶絃操觚文思湧
如泉戰藝獨冠三塲連殊方佇看威鳳翮將命來
迂李郭船憶昨蘭橈沮江沿筆花驚覩春雲鮮催
飛藥玉膾槎編一斗百篇如青蓮許可何啻得萬
錢隨處不拒雲裾牽吾王拱極誠惻懸寵命來
頒相屬聯此回禮意益糾纏郊迂虎拜垂簪鈿兩
仙和氣挹藹然秩筵儀享窮歡妍天威曾不違顏
顛傾盖况復情相憐因人地勝信當年天眼嘉賞
臨中邊池光倒樓鏡中娟林樾邃密時聞鴈平波
荷盖散田田天光雲影涵魚鳶邦人襲薰劇蘭荃

緇衣安得畱周旋詩清筆妙兩無傳思軼象外形
諸篇一歡那復問後先春序忽忽坐變遷他年交
夢亦難圓勝迹祇欲煩龍眠登高可但能賦賢辨
章餘澤霑朝鮮共祝公壽如增川

宴慶會樓

吳希孟

百丈瓊樓高入雲朱甍碧瓦接銀城霞屏錦帳春山
繞茂苑芳堤瑞靄明瀲灩晴光搖日月嵯峨倒影動
蛟鯨林深宛轉開亭榭花合參差唱柳鶯捲幕隔窗
泉瀑雪入山金谷月依觥松聲遠壑翻江去竹影搖
窗雜珮鳴燕蹴香泥呈綺席絮隨紅雨入朱楹煙開

寶樹葡萄架燈雜瑤臺貝闕星嘉會幸叨明主詔
壯遊今始涉東瀛金尊醕酌樓頭月照破征懷肺膽
清

次韻

沈彥光

巍然雪脊接朱甍勝日風光畫不成

誠字疊押故
改下成字

垂柳晚侵宮瓦碧好花晴映御溝明門迎才俊標
金馬池濶昆明動石鯨簷外受風飛紫燕葉間捎
蝶語黃鶯巨靈有力支鼇柱王母多情侑兕觥樺
燭半燒香燼落玉人徐步珮環鳴境移弱水三千
里月上重樓十二城練實若爲畱彩鳳長庚空復

仰文星還如笙鶴傳真訣未必蓬萊隔大瀛更信
茲樓名慶會莫將靈沼譬華清

鄭士龍

瓊花琪樹擁春晴白日樓臺幻化城勞使非因優
詔至重賓先罄寸心明撲簷飛絮縈仙仗通苑清
溝噴玉京波拭荷盤翻躍鯉煙深樹幄度嬌鶯輕
盈回雪當瑤席歛灩流霞酌兕觥絳蠟未收燒後
跋靈鼉猶戒倦時鳴幾枝火樹回清晝一簇砲車
殷畫楹千里風標瞻使節萬方臣妾仰前星身仍
羽客游句曲興駕飈輪跨大瀛偏借陋邦畱偉作

讀來神骨洗然清

慶會之遊 國王以近山并樓之前后左右索
名雲岡學士乃名凝秀拱極環碧長虹若弼雲
雙洲玉液則予名之也翠露其舊云因成八韻
聊紀覽迹

吳希孟

雙洲

綠楊夾岸映雙洲貼水荷錢葉未稠纔見鴛鴦初浴
罷更看魚逐荇花流

長虹

月白蒼蒼卧碧波長虹垂影鏡中過樓臺控入煙霞

裏極目溪頭發棹歌

玉液

白玉池中流石髓瓊樓風裏液來香王侯地脉通蓬
島引得源頭入海長

環碧

畫樓高插碧虛間碧水悠悠玉檻環水外山光浮碧
影碧雲遙接碧溪還

弼雲

山抱宮垣勢若分右山端立石依雲形猶輔弼真雄
偉雨露新添錦綉紋

拱極

宮宇傍山依勢轉王峰遙拱玉樞高地靈人傑忠應
驗對此山形兆已昭

凝秀亭

林曦真可愛瑞靄集幽亭草色承衣綠山光接珮明
游人猶入鏡華月逗雕楹景物無拘管偏能此際凝

翠露亭

入來亭色變翠露滴朱英葉捲畱珠顆枝橫逗蘋明
承暉猶玉潤帶雨正含情四面呈蔥翠朝朝沐露榮

次韻

鄭士龍

春色平分杜若洲垂楊拂岸綠煙稠菱花對展明

如洗錦鴨回翔弄碧流

右雙洲

秋霓屈曲跨清波藻荇香中笑語過恰似松江三

百尺艤船聞唱采菱歌

右長虹

嫩柳鶯啼回霽色新荷魚躍動微香溶溶暖綠涵

天影知自雲間落勢長

右玉液

杳瀾晴瀾指點間四圍天影玉彎環白鷗自愛光

容好飛舞芳洲去復還

右環碧

一着秦鞭礦質分槎牙瘦骨倚寒雲春深小雨煙

光膩青翠多添碧蘚紋

右弼雲

星躔森布天容肅璇極低昂地勢高葵藿向陽終

不改丹心隨處配昭昭

右拱極

春光隨玉節延賞到茲亭竹助苔階翠花爭獸錦
明卿雲縈繡闥遲日媚華楹賓主交懽地精神各

自凝

右凝秀亭

亭畱嘉樹翠春老雜花英境僻人難到仙來眼忽
明知名應有數見賞亦多情不是龍蛇扁爭爲此

地榮

右翠露亭

宴勤政殿

龔用卿

綺樓浮積翠丹殿麗層霄百戲魚龍躍三春燕雀嬌

晴光傳鳳吹淑氣下鸞簫寶篆香風轉雕櫳宿靄消
啼鶯千樹合舞鶴萬松喬西閣初生月南江欲上潮
浮觴更侍吏酣宴度良宵華館清鍾發肩輿路未遙

次韻

鄭士龍

紫殿臨雙闕游氛捲九霄雨添花臉膩風搦柳腰
嬌肅享陳籩豆撝金間鼓簫襟期披更豁眉宇鄙
全消桃熟供王母鳬飛迓葉喬碧雲聲駐曲丹渥
暈吹潮剪蠟猶揚觶鳴鼉始戒宵角弓嘉樹傳規
範不相遙

宴勤政殿

吳希孟

皇華拜教敢辭駟馬之馳驅靡及興懷自宜
周原之跋涉遠承遣顧多荷關情前蒙勤政
惠宴偶成短章附上申謝

詔使臨東海藩邦彩席張重門絳錦幕亭宇俯花塘
玉篆浮清靄金尊耀碧光衣冠從杖屨珮帶引霓香
三讓王侯禮七行勤政堂竹籩存古意海錯薦新芳
飲德心皆醉披雲興轉長羽觴傳燕集角戲雜鶯簧
曲島浮崑壁前山入玉岡情投不待譯道洽若還鄉
我已逢春坐誰云歌召棠康侯宜晉錫善國荷離光
聖王見萬里
綸音出上方

次韻

鄭士龍

間氣鍾人傑高才具弛張攻書筆成塚得句草生
塘直諫陳謨切明庭簡使光新恩敷鰈域舊業襲
書香服禮虔侯度排筵展正堂多儀瞻拜肅有踐
豆籩芳置醴推衷曲侵宵信漏長高絃搖玉軫豪
吹激金簧饗重肴維旅詩歌壽等岡跡雖區異域
歡不間殊鄉封殖畱嘉樹追思詠憇棠齊階陳虎
拜漢札荷龍章光字疊押故變韻不盡停雲思迢迢海一
方

昨見王世子設宴威儀進退綽有其父王

之風席上口占書以奉贈

龔用卿

世子孕國秀挺挺珊瑚姿玉立晴天杳冰壺秋鑑奇
鳳毛依日彩麟趾耀雲達錦繡開春麗鶯花媚景遲
王侯占有種鍾鼓備多儀環珮香煙合冠裳紫霧垂
喜逢全盛世身際艷陽時識面投簪盍傾壘醉玉卮
異方同宴賞不日又分離別後相思處悠悠不盡期
王世子設宴終席而周旋豈弟可挹則賢王
義方之訓可徵世子之克紹足嘉矣敬成一律
申意

吳希孟

玉宇光生錦席珍儀文精彩出風塵衣冠自古箕流

澤事業于今奕得人蘭趾珮迎天節鳳德音珠落使
袍麟大平共享春風細杯引東山月色新

登龍頭峰

龔用卿

縱步龍頭峰坐見綠衣島

江中有小島望之如綠衣然

諸山環拱

來二水周圍抱紅翠積深林小池漾春藻斜日射城
丘萬峰暮煙好叩舷吹洞簫清興同蘇老

次韻

鄭士龍

江勢渺然廣發揮點孤島山朝作儲胥水環爲襟
抱領略兩仙過品題摘華藻江山喜見賞顧眄看
更好不朽有芳名應與天地老

泛楊花渡觀捕魚

龔用卿

古渡楊花合清江暮日斜輕陰生島嶼遠岫出雲霞
綠樹迎蘭棹青萍漾碧沙漁舟紛絡繹入饌薦魴鱖

次韻

鄭士龍

獨立鰲峰晚東風承鬢斜水蒸連積氣天遠散餘
霞綠網時橫浦銀刀亂擲沙漁人期得雋應不赦
鱸鯢

望遠亭

吳希孟

日月天門迥星辰海國遙鳩鳴深市口鴈入古山腰
野樹斜侵郭河流曲抱橋壯遊真萬里無外見皇

朝

次韻

金安老

幽興牽人惱遊蹄豈惜遙殘雲橫浦口飛鷺割山
腰江穩開輕纜潮生沒斷橋異鄉歸思促心趁紫
宸朝

尹仁鏡

改席孤亭迥爭朝衆岫遙風梅飄捻玉煙柳弄纖
腰日落洲橫艇潮生渡沒橋百年拚一會何以永
今朝

沈彥光

亭空長江遠天
嶠闊岸遙玻瓈開水面桃李匝山
腰白鴈依寒渚青驢渡小橋肝腸託尊酒雲樹隔
明朝

鄭士龍

風急沙堆亂潮生水國遙蘭橈乘鏡面雲幕躡山
腰鳥影沉煙渚江聲落浦橋仙遊拚一餉脂轄在
明朝

再遊漢江得此俚句別有二律容續奉求和束
裝已迫不及細書也國相判書承旨列位暨諸
都監道契

龔用卿

扁棹弄潺湲陰陰楊柳灣村居依水曲樓觀出林間
鳥度江邊樹雲開海上山心機原自息應共白鷗閒

次韻

金安老

倚杖登鰲頂回舟艤蓼灣遇音憑綠綺摘藻捷黃
間鑑白空無地螺青只點山江湖難挽馭歸騎不
曾閒

尹仁鏡

潮落聽潺湲輕舟晚泊灣皇恩頒海外祥鳳下
雲間鷺起穿蒼靄花飛點碧山騷人吟詠地風月
不教閒

沈彥光

漢陰機自息碧樹俯蒼灣日影搖江曲春容媚樹
間塵寰悲九土仙境見三山旅泊星槎返沙鷗獨
占閒

鄭士龍

浩渺復潺湲方舟抵別灣遐觀窮物外高興出塵
間析木頒仙詔飈輪度海山會心旌僻壤風月
免長閒

大平樓

吳希孟

束裝就道殊無佳思仍有三律寄奉幸亮草

草賢國相諸曹長納言并列位都監道契

高城吹角送清寒壯志非同行路難春暮風煙殊去
住天涯鼙鼓任悲歡平沙古蹟迷人遠落日空臺向
客漫寄語塞鴻傳報道堯仁今已浹三韓

國王遣賢相及諸曹長納言陪遊楊花渡次雲

岡先生韻

翠律映潺湲沙分碧水灣江光通海角蜃氣結雲間
麥浪翻青畝苔衣掛綠山瀟灑諸君逸風流不踰閒

次韻

金安老

春漲桃花岸煙生楊柳灣眼窮孤島外人在半霄

間蒼靄和晴嶼明霞抹遠山白鷗盟未熟安得賭
長閒

沈彥光

英遊隨勝日雅集在晴灣曲水空明外層樓紫翠
間塵侵新白髮夢落舊青山報國誠猶在殘骸苦
未閒

鄭士龍

鰲頂高相並人家盡對灣亂岑騰翠浪鳴瀨激黃
間歸橐元無物高情只愛山一壺藏別境何意共
偷閒

遊楊花渡用副使大平樓韻

金安老

景暖高臺尚薄寒
雲梯倦脚上應難
吟成百首要
酬興勸盡三杯且取歡
海日落時山漠漠
楊花飛處水漫漫
仙遊忝跡真天借
何必生平一識韓

尹仁鏡

倚遍雕欄下廣寒
肩輿出郭路非難
同舟喜有承顏地
忝席寧辭握手歡
景仰百年情袞袞
相思千里路漫漫
清篇畱與芳香在
從此邦人識孟韓

沈彥光

西郊微雨送輕寒
行路煙花未覺難
人事百年成

聚散塵緣十載了悲歡星迷北極紅雲遠天盡

東溟碧海漫惆悵玉簫仙侶去謾誇方丈在三韓

鄭士龍

雨後輕颺強作寒泥深還共犯途難情孚已信初
同趣禮絕猶蒙不隔歡一夕登門名便別幾人懷
刺字多漫錦囊風月應收盡千里雲山歷弁韓

再遊漢江一律

龔用卿

漢水清無極晴沙宿鷺羣煙深沉鳥影風細動波文
天淨江含日山開樹近雲中流簫鼓震倚棹對斜曛

次韻

金安老

興遙尋郭外意逸逐鷗羣村樹煙圍色汀花水纈
文風江翻疊嶂蘚壁濕寒雲緩棹空明裏高吟倚
夕曛

沈彥光

清才推學士風範邈超羣北闕陪香案西清閱帝
文青丘聊駐節白日更披雲勝事成追憶江舟倚
夕曛

鄭士龍

城南臨漢曲形勝久空羣已得驚人句還須絕世
文心頭摘錦綉筆下爛煙雲屬和才偏竭悲吟至

日曛

叨陪數日屢奉清塵歸輶將脂不勝黯然謹
次張黃門登太平樓七言排律六十韻呈兩
大人詩案聊備行贐伏希和教 沈彥光

皇仁徧覆類高穹逖逖青丘信使通金馬詞臣承
帝命玉堂文雅選儒宗紅泥鳳詔來千里黃帕
天書出九重自是汪恩霑草木直緣祥夢應羆熊
異香滿室神光照紫氣騰空日表雄大慶已孚
韜帶縟儀將舉震宮封彤庭濟濟鳴環珮白日輝
輝映衮龍一夜斗樞重繞電千齡華渚更流虹萬

邦政是歸依地三善應須輔養功鶴駕通宵隨曉
仗龍樓問寢趁晨鐘豈求故事篇章裏自在他時
孝敬中盛代謳歌均普率清朝舞蹈遍臣工佇聞
文葆方岐嶷誰謂英姿尚幼冲殷帝郊禋曾有事
周家瓜瓞永無窮懽忻合與羣方共寵錫猶從外
國隆天遣鸞凰驚燕雀春將雨露惠疲癯文章燁
燁家傳業儒墨堂堂陣折衝范老心懷憂且樂義
經爰畫吉兼凶德侔造化陶甄早仁較陽春發育
同行橐只畱金七葉盤羞不要紫駝峰儒家揖讓
中華禮仙侶周旋上界容玉節影搖花色麗錦袍

光奪日華紅通經達史才誰並彪外弼中道自豐
文駕荀揚追逸軌詩攀李杜躡高蹤殊方四牡迎
佳節遠道雙旌帶好風故國歸心春錯莫旅窓羈
思月朦朧江魚入饌多紅鬣山剡爲氍毹紫茸世
味孰教歸嚼蠟生涯莫道任飄蓬樓臺縹緲宜孤
嘯宇宙依微寄一筇夜靜恍遊句曲洞月明如在
廣寒宮十洲笙鶴尋常見三島神仙次第從已放
曠懷超瀚海還思長劒掛崆峒鹿鳴幾侍瑤池宴
鷺序爭瞻玉樹叢燒燭狂吟由夜醉擁衾閒睡坐
春慵川原掩翳張雲錦門觀輝煌接綵絨華岳煙

雲侵几席終南翠黛近簾櫳蒨蔥樹木家家好翠
律岡巒處處崇邃壑棲霞風欲捲陰崖溜雪日教
融園林雨慙花如霰院落春寒候似冬挾路繁絃
仍急管欄街白叟與黃童風雲際會時方泰辰象
精英氣所鍾鄉塾麻衣皆學子役徒臺笠半官傭
家談經籍知尊孔士擲牙籌解笑戎處阨自嫌蛙
在井慕廉還耻臭生銅却誇遠服恩榮重端爲清
才儼价充客路晨征催蓐食家山春興憶村農仙
歸華表尋遼鶴書斷長天問塞鴻漢水西流波汨
滴清溪

山名

南截雨冥濛蓬山隱約三韓外裨海蒼

茫萬國東蔥秀斷碑空剝落東林殘石謾寵從山
河不盡英雄恨尊酒誰澆芥蒂胸瓊貝千章諸巨
筆皇華百載幾名公何人潤色如東里着處書堂
擬射洪 詔使自今畱範式海邦從此免盲聾出
幽喜我鶯遷木瑞世多君鳳集桐地狹東溟憐局
束天高北極仰穹窿遙空鴈陣連還斷落日山容
淡復濃此夕離懷殊作惡明朝陳迹便成空良辰
已覺青春老愁緒難禁白髮鬆望望仙槎畱不得
夢中風度政雍雍

太平館次張掌科六十韻兼答沈判書來意

龔用卿

蓬萊宮闕接層穹冠冕車書瀚海通華渚虹流光
帝座斗樞電繞續天宗金函紫詔開三殿玉札
黃封出九重百辟衣冠羅象緯六軍宿衛走羆熊鳳
姿允合天人望龍種真誇日月雄甲觀此時嚴保負
青宮他日定新封丹山旭耀儀翔鳳襄漢雲騰起化
龍九廟流光綿大曆三宮瑞氣亘長虹生民已荷重
熙運開國還思再造功柳拂未央明紫閣風經長樂
聽金鐘泰階氣合璇璣上寶鼎光調玉燭中蓬華遭
逢堯舜主衣冠聯綴傳周工西來雲樹郵程迥東過

關河壯志冲村後村前山不斷天南天北路無窮溪
氓服役奔趨便驛舍供張館穀隆肅鵠每存悲賦政
飛鴻應念切疲癯扶餘古道存荒徼平壤高垣備要
衝蒲道荆榛開阻塞盈門耕織備荒凶中邦界畫鄉
音異絕域風光景候同萬壑雨滋平小浦諸村煙起
接高峰汀花掩映添溪色堤柳芳菲秀岸容別館樓
臺迎草綠近江亭榭照霞紅山田雪片占耕事水院
神水冰條卜歲豐海國不辭長跋涉天涯幾欲遍行
蹤沾衣點點飄花雨吹面依依落絮風院內忽看雲
鬢鬢窻前驚起月朦朧蒲林紅紫花如錦匝地莓苔

綠似茸嶺上人行同磨蟻望中物換類飄蓬每逢登
閣頻携酒隨處看山便策筇彷彿蓬萊凌鶴馭逍遙
玄圃跨蛟宮瑤池笙侶時相遇華岳仙人勢欲從已
見皇華臨海岱常思丹仗過崆峒香簾細捲雲屏暗
步障遙開錦繡叢風物滿懷元自得春光過眼不知
慵里閤團結圍帷幕城館喧闐簇綵絨語燕流鶯飛
殿閣落花遊絮散簾櫳誰云僻陋遐方小已見衣冠
古俗崇輕暖輕寒春景媚乍風乍雨物華融層巒煙
景晴如畫絕嶺松風氣近冬簇頂承筐奔野婦披襟
散髮走村童江河不減中華勝人物由來秀氣鍾挿

羽青衿知僕隸曳裾皂笠辨夫傭前呼後擁承官長
披盾稱干練甲戎疎箔多編江漢竹長檠半是首陽
銅鐸司盡係生儒選郡邑多緣武職充學校芹風陶
衆士田疇甘澍足三農江門細浪浮輕楫塞草寒汀
見落鴻煙滿萬山沉島嶼塵迷千里混鴻濛新羅白
濟諸番界樂浪玄菟鴨水東榛莽連山高突兀藤蘿
翳洞古龍從拍天洪浪時開眦歸翼凌霄欲盪胸直
北只憑看析木指南何處問周公緱山深慕周王晉
句漏遙思晉葛洪斑豹管窺疑未釋狂雷山裂耳猶
聾知心孰語三生訣暢志思彈一曲桐淺見豈能探

閩域薄才寧敢望穹窿詩凌鮑謝方成癖興邁蘇王
始覺濃顧我冥搜觀俗勝憐渠清趣惜杯空天涯雅
會投簪盍海角奔馳亂髮鬆自古登臨多感慨幸逢
明聖樂熙雍

登大平樓次張方洲七言排律六十韻錄似吏
曹沈判宰漁村刑曹鄭判宰湖陰 吳希孟

聖澤汪洋格昊穹玉門遠遣近臣通萬國秉文齊舜
治三年耀武陋商宗鳳函越地數千里虎拜瞻天三
十重麟趾休徵孚赤鳥螽斯瑞氣集維熊前星有耀
開 皇極少海澄光仰 帝雄環堵杖藜觀德化呼

嵩鵠鷺祝華封卿雲朝霽開三島華蓋香浮見五龍
四野生光浮麗日一樓含翠接長虹遐陬被沃非偏
愛幽壑知春見聖功弘化關門迎彩節勤政敞殿
撞黃鍾已嘉首足嚴高下更取堂階謹外中百獸舞
庭搖雜羽千班希巧識羣工藩王精白承休德世

子謙光亦彌冲政舉人存知有慶畏天保國自無窮
生商已向親藩報同樂仍於善國隆入郭絃歌聞遠
近蒲村粒食免疲癯論文有見皆英發禦武多能慣
擊衝連畝青苗饒色秀當春好雨遠年凶惠流海隅
咸三足仁廣王畿積百同隔岸猶堆浣女石入山常

拂丈人峰鳴琴坐竹還瀟灑對客臨溪殊與容垂柳
忘情時泛綠小桃無語自搖紅地山隨寓謙受益日
斗相映蔀其豐季札有心懷列國王孫何事寄孤蹤
郵亭盈額皆遐跡駐節題詩愧采風夜靜不堪齋落
莫月移歌掩雲腫臃江魚入饌宜清味盤蕨登盂多
碧茸山舍爭飛蜂附主節旄靡及路飄蓬滄浪對酌
時懲苴蓬島曾遊未愛筇水漾落花疑阮洞風生密
樹恍松宮丹丘羸媛潮回出赤壁湖仙鏡上從喜捧
瓜牙牽霽霽怒依霹靂裂崆峒大平樓上珠英萃慶
會臺中瑤草叢蠶嶼未輸三逕逸漢江可滌一生慵

山頭栢宇擎青蓋渡口楊花剪素絨岐鳳搏霄衝斗
壁隴鶯能語落牢攏管窺一竅應嫌隘鵬奮三山始
見崇向曉清風吹霧散近陽淺澗早冰融三韓遍歷
蟬迎夏雙旆初征雪際冬沮水順流宗渤海康衢隨
處着謠童君臣相遇豐功建天地交孚泰運鍾廊廟
咸登懷寶俊閭閻不問賣蔬傭良晨藹藹羅陪宰異
代淒淒嘆卽戎金馬文章懸下璞黃門詞賦愧張銅
謾誇子美詩章富更有宗元棟宇充千頃晴曛開尹
坂一犁沃土破堯農懷歸常逐還鄉鴈豪思時麾戲
海鴻瀾餞陳筵隣汨汨陽關疊唱浥濛濛台垣粲爛

趨星北遼海逶遲吾道東平壤丹峰空翠峯開城嵩
岳自龍嵒山川織遍綾羅色花鳥愁逢錦繡胸謁廟
遙思白面士泛江追憶黑頭公九疇八道箕風在百
載千祥漢澤洪水鐸成均遵四教芹宮齋治啓羣聾
同心香氣生蘭蕙知己清音得爨桐古嶺寒燒橫嶺
嶷輕氤元氣望穹窿夢來幽館離還合交寄清流淡
若濃自信滿襟皆是實誰云回首已成空芳郊榆莢
金錢擲釣艇漁翁銀髮鬆萬里壯遊非汗漫共看神
聖洽時雍

次韻

鄭士龍

瑤圖眷命自玄穹九域梯航一軌通奎壁分輝開
秦運山河鍾秀摠儒宗威加朔漠連千嶂勢拱城
池壯九重致物常聞岐岳鳳懷賢頻卜渭濱熊羆
洲已致三山秀煙閣還描百戰雄析木星聯青陸
分楓宸恩洽紫泥封丁寧綸誥盈芝檢焜耀雲章
綰瑞龍慶集離輝開曉旭祥凝華渚繞晴虹天容
廣大無私覆帝德懷弘不宰功喜溢綿區形簡牒
謠成星海播歌鍾承恩夜醉金蓮下視草朝遊玉
署中遠道驅馳身却健豪吟溢發句還工城邊化
鶴如聞語雲裏冥鴻可並冲寒雪關河懷靡盬薰

風旌旆思難窮選高紳笏名新播德表珪璋望愈
隆滿篋雄文驚鬼魅浹人恩露活疲癯心經宇宙
興衰際路會舟車走集衝沙磧塵消無警急邊亭
氛豁絕妖凶村郊酒旆情悰暢翰苑仙班夢想同
芳草翠邊分客路浮嵐開處露晴峰低垂柳拂添
江色掩映花飛媚樹容漢節分將明玉潤宮袍裁
就剪星紅鏗鐃夏奏金成簾歛灑黃流酒滿豐春
盡詎懷傷別意年芳猶慰遠遊蹤行塵欸欸隨車
雨歸騎翩翩滿袖風海市朝暎光滅沒江樓春靄
影朦朧爐香散落飄鉛砌衣麝浮揚襲翠茸壯志

便期超汗漫遐瞻直欲至瀛蓬松坡隨處栽清什
梅閣多時倚瘦筇振筆蛟螭騰碧海哦詩鸞鶴舞
珠宮編摩圖志羣方會粧點風煙萬象從使節尋
常凌渤碣歸心咫尺近崆峒驚逢星使聯雙壁欣
覩瓊枝秀一叢捧 詔咨詢深覺便登程經涉豈
知慵城闔塵歛多遊騎街陌風清颺綉絨麟服試
披畱綵幕賓閣初闢飾雕櫳 聖朝聲教遐荒暨
藩國車書軌度崇眺望寬懷曾跌宕光陰催節變
怡融鶯花忽已交初夏霜露俄然歷去冬浦溱縈
紆多釣叟巖巒幽秀見樵童須知下國儀文著自

是昌辰氣化鍾盆出雪絲饒織婦畝深雲稼聚耕
傭兒携紉帙思談道士擁雕戈欲卽戎衣曳長裾
存委貌沙寒磧地少青銅高低煙樹韶光老遠近
閭閻喜氣充語習秦歧傳象譯疇明河洛繼羲農
交情遇合如萍水人事乖違似燕鴻渭樹愁陰春
黯淡江雲恨色暮溟濛鳳儀迴絕翔天表鵬翮翻
回出海東未絆霜蹄馳杳邈寧畱颺馭駐寵從時
攀傑閣思披霧欲上層巒試盪胸文字藏山真太
史歌呼投轄孰陳公摘成錦繡天才富恢極江河
雅量洪郢匠風斤逢運手雷門布鼓敢開聾樽壘

誤飾丹青質宮徵猶含霹靂桐桑海星芒收隱約
木天雲氣就穹窿程遙鴨水懷偏阻路指金臺興
自濃蝶夢屢驚回客枕鴈書那計到秋空傷離瘦
覺春衣賸望遠愁添素髮鬆莫道雲泥隔霄壤
皇仁溥博遍雍雍

太平館用唐新庵韻

龔用卿

朱薨接漢平碧檻搖雲翠高步躡丹梯畱連成一醉

其二

明月在樓前殘花柳陰下何須艷綺羅秉燭遊春夜

其三

錦席閱華館垂鞭信馬歸明星時在戶點點照春衣

其四

海國望晴空文光照奎壁夜深牛斗寒疑有乘槎客

其五

萍蹤涉海東歸夢度遼西五雲雙闕曙起坐聽鳴雞

其六

龍節出丹青客車此棲宿擁衾坐藤床短几燒殘燭

次韻

金安老

璇題納月明疎箔通山翠清氣入詩脾喚回春夜

醉

銀河淡淡橫玉露微微下渾似御冷風亦疑城不
夜

使節久遐滯鄉心先夢歸征途驚歲月今復換春
衣

筆鋒可掃軍詩壘請堅壁未免望風奔焉能逸待
客

客夢扶桑外長懸魏闕西珮環趨玉陛驚覺被晨
雞

樓鶴迥堪招簷星低復宿天仙來寓吟藜杖當燃
燭

沈彥光

危樓落層陰俯挹羣峰翠天仙在上頭月下謀饒
醉

古栢蔭重樓蒼雲迷上下緬懷羽人來笙簫伴良
夜

雙旌濕春雨萬里賦言歸三月關西路山花映繡
衣

巨篇抽江山芳名在樓壁何處暮吹簫天涯獨歸
客

江山一今古天地隔東西嚴程過候館相蹴聞晨

雞

春鳥花邊啼暮鴉樹頭宿何事遠遊人不秉良宵
燭

鄭士龍

二雨過春巒潑眼增蒼翠韶華能幾何謀飲寧辭
醉

忽忽日易晡山鳥鳴上下依依花上月誰負千金
夜

柳幕看鶯擲杏梁迎燕歸春殘風復雨何不惜沾
衣

高亭星斗額畫閣椒蘭壁勝處品題遍何曾來此
客

行行三十館壁輝東借西不似汝陰老騎馬聞朝
雞

新庵香案仙鴻迹曾信宿賞音復有人幾夜燒蓮
燭

望湖堂口占贈領議政金國相

龔用卿

野亭山畔臨湖水一望湖光泯泯清何用浮名綰金
紫正須高卧聽歌聲

保樂堂十詠爲左議政金國相題

吳希孟

三集
箭郊尋春

春城無處不芳菲
竹杖芒鞋白苧衣
踏遍箭郊花次第
錦屏風外映朝暉

奉恩聞鍾

雲外鍾聲度竹床
夢回猶有月餘光
呼兒破茗詩魂繞
寶篆朱簾引露涼

蘭渚朝煙

蘭芷芬芳集渚幽
曉煙騰翠恣盤留
玉人採摘堪紉佩
露濕輕羅煙未收

沙汀秋月

玉沙曲曲漾清波月落汀洲若鑑何戀賞不嫌歸路
晚煙浮深處起漁歌

北崗斲藥

身閒養性覓丹芝採擇黃精亦此時合就青囊長壽
藥悠悠人世樂期頤

南灘泛舟

白蘋搖破木蘭橈十里晴光度野橋滿耳漁歌心似
洗一灘明月不須邀

柳店漁火

孤村茅屋兩三家柳外蒼煙隱釣楂漁火依依明復

滅星隨山月浸江沙

楮浦歸帆

漁人撒網夜歸來
舴艋輕搖布席開
領略江湖無限意
簪纓何啻此襟懷

遠巘飛雨

風滿亭臺雨欲來
曠懷遙想滌塵埃
堪聞滴滴空堦響
滴盡山頭濕氣閑

遙村晴雪

遙村玉樹帶晴暉
風捲瓊花似絮飛
自是山人拋世味
眼前風景更忘機

吏曹判書沈子求題鏡湖漁村卷書此于扇以

寄之

龔用卿

湖水平如鏡冥冥滄海通潮光迷岸白漁火射波紅
倚檻看歸鳥臨磯數去鴻村居原自得知是對鷗翁

出漢城戲作回文體

飛雲野色樹蒼蒼曉日晴籠沙霧黃歸鴈送聲傳塞
草轉鶯流韻賦堤楊衣沾露氣花枝好杖倚山光水
路長扉掩半窗溪漾綠霏霏谷逕曲芬芳

其二

青煙谷隱寺綠草溪平橋城石依山斷野林轉徑蕭

晴雲出島岫古路連漁樵清興悠然豁旌旄度海遙

次韻

金安老

登瀛聲價薄青蒼染翰朝朝侍柘黃陽谷日輝天上節鳳旌花拂渡頭楊暮山雲盡雙鬟出遠水羅明一帶長恨殺玉人遊賞後汀蘭岸芷爲誰芳

村店藏花塢溪楊蔭畫橋春巒雲歷亂暮絮雪飄蕭遠舶知商旅行歌聽牧樵晚來橫一笛鶴去海天遙

尹仁鏡

西湖春色晚蒼蒼車蓋飛塵着眼黃幾處高樓人

捲幔誰家遊騎路穿楊沙堆晴雪鷗邊淨山簇鉅
矛日下長勝地幸今逢勝會亭顏寶墨更流芳
紅惜花飄雨青憐柳拂橋江風吹激激蓬雨打蕭
蕭簾捲樓橫笛雲空谷咎樵雙旌拚賞去回首海
天遙

沈彥光

飛樓遶霧曉蒼蒼野襯林花雜紫黃歸客遠程迷
落日暮郊晴岸蔭垂楊衣侵水月江船小句入春
雲海路長扉掩晚村煙寂寂霏霏細雨濕莎芳

回文

體

青草細分逕碧溪橫斷橋城依樹翳翳野暝雨蕭
蕭晴日晚沈霧暮山春響樵清懷客路遠旌旆逐

雲遙

回文體

鄭士龍

飛飛雨雜暝煙蒼轉旆行看喜色黃歸趁塞鴻遵
遠路思縈春物感垂楊衣塵拂盡臨溪好筆彩挑
多挾藻長扉闔客窗寒破夢霏微篆縷擢鑪芳

回文

體

青凝草夾徑畫活人行橋城隱春山疊水分野寺
蕭晴暉媚樹幄暮景催歌樵清雨經塵淨旌旗捲

路遙
體回文

皇華集卷之十九

皇華集卷之二十編目

嘉靖十六年丁酉頌
皇太子誕生詔使三

卷之六

皇朝集卷之三

皇朝集卷之三

皇華集卷之二十

慕華館

國王送別

龔用卿

羽騎紛紛出慕華
紅旗朱蓋散流霞
漢城已疊陽關
曲祖道爭看折柳花
風雨霏霏將日暮
樓臺隱隱隔山斜
啣杯握手成歡笑
他日相思限海涯

吳希孟

賢藩禮度慕中華
飲餞南郊爛錦霞
堯典獨逢晝日
錫漢官雙去暮春
花海雲隨雨山疑
沒宛馬登途日
已斜分袂不堪蘭
菊念一杯且盡渭
城涯

次韻

鄭士龍

拂曉輕陰悶日華
離亭雨氣壓朝霞
賓筵拱揖瞻無度
醉眼朦朧眩有花
珂馬紛紛衝徑滑
旌旄獵獵捲煙斜
情孚不隔川塗迥
莫道東韓在一涯

右和

正使

都門夙駕送皇華
小雨崇朝暗曉霞
欲續緇衣歌改敝
爭傳彩筆夢添花
青山直傍歸輶遠
碧樹平分去路斜
但保此情真耐久
寧論地角與天涯

右和

副使

國王設祖慕華館致別

吳希孟

賢王仁孝滿東山
疑客猶能久未闌
華館長楊頻折

贈離情還繫五雲間

次韻

沈彥光

風埃一夢落湖山餘興依依尚未闌
記得與君同醉處白鷗飛入水雲間

鄭士龍

清漢爲襟木蜜山半旬高賞未應閑
驪駒唱徹西歸路付與神游夢寐間

效東坡體

龔用卿

路車間綿衣寒

遙道木虫軒行

長路聯車是日閒

讀爲閒

重綿衣厚淡輕寒斜陽古道

來人少倚坐小軒花落殘

窓咲然草煙暮

柳聲然鳥石樹雨段

小窓狂笑倒開花短草輕煙暮日斜密柳高聲鶯斷
續殘杯紅樹帶飛霞

長寧門半晷駐

水工於園席晷

翻身倒夢無心悶斗轉星移睡不成流水半江斜柳
細描茵錦席未全醒

次韻

鄭士龍

物色春城入筆間登樓午夜不知寒仙才一斗詩
篇百收得床頭燭跋殘

樹陰新合翳殘花拂掠枝頭紫燕斜禁掖春光如

許好幾思宣勸醉流霞

追陪不覺兼旬月貪誦佳篇却睡成還似九霄聞
鶴唳向來塵骨洗然醒

效東坡體一首

吳希孟

雲雨天館筵然

山苑知夢安醒

雲濃雨濶天大陰小館筵開火並螢空山花落知多
少夢到長安酒半醒

次韻

鄭士龍

襲薰蘭室四旬零，只愧晴天強燭螢。
今日別懷何處惡，暮煙江雨睡初醒。

吏曹沈判書陪侍余大平館數日，茲西還，詣予
告別，走筆書此以見其追隨之意云。

龔用卿

愛爾沈攸之，官曹長百司。
聲名欽上國，章服備諸儀。
問字能虛席，談詩頗好奇。
雲山從此別，蘿月夢相隨。

次韻

沈彥光

去去欲安之情懸獻納司彬彬周戴禮棣棣漢官
儀儒術陳三策詩壇出六奇慇懃遼海月萬里遠
相隨

曹長漁村沈判書道雅都監列位奉其國王
命侍余大平館服役頗勤書此以別之

龔用卿

都監奔趨擁後先彬彬容止見多賢歸心不盡襟期
意更與殷勤醉別筵

次韻

沈彥光

衰懶常慚類孝先偶從賓館伴高賢百年勝會能

多少更拉仙徒共綺筵

弘濟院別吏曹沈判書

吳希孟

北闕懸新命西歸返使車
深情牽去住嘉會憶英華
雙盞衝煙雨離觴對落花
佮期詩自好樂浪大方家

次韻

沈彥光

英絢傾前輩風煙載後車
圭璋聞譽望斧藻見詞華
客路憐芳草春愁恻落花
星槎何處泊四海卽爲家

復次正使大人韻呈副使大人

詩壇闊步讓誰先
自笑三孱厠兩賢
最是夢中相

憶處滿船江月照華筵

碧蹄館道中遇雨

吳希孟

壁立遙峰萬仞懸
滿林煙雨送流泉
踏花歸去香粘屐
贏得詩囊一蹇牽

次韻

沈彥光

北極欣瞻日月懸
百年無計返林泉
人生異地猶同道
共被塵機一掾牽

鄭士龍

歸心滯雨轉懸懸
礧谷愁聞百道泉
勉與風光拚一賞
不應隨處動遭牽

碧蹄和史鹿野韻叙別金國相

龔用卿

弘濟驅車冒雨來高堂銀燭畫屏開已堪蹇策乘長
道未許離筵醉別杯國彥賢勞情自厚鄉心睡思夢
先回明朝攬轡坡州路須盡沙頭白玉壘

次韻

金安老

照人丰采九天來冰雪清懷許暫開思入東雲唯
有句情深北海擬添杯析津歸路春隨盡遼塞衝
沙鴈獨回遙憶碧蹄相送處渭城餘恨滿空壘

鄭士龍

使旌俱擁火城來不遣賓筵卜夜開高盖豈停弘

濟雨深情應戀慕華杯床頭燭影穿帷亂眼底春
光惹恨回爲報臨津畱賞去鳬波肥雨近樽壘

贈別金國相

吳希孟

予寓東藩雖信宿國王屢遣議政金君陪
遊儒雅重厚泊如也冲如也有相度焉予深
嘉之方言雖隔情誼已至古有一見而托歡
者然歟茲送予碧蹄告歸書此識別

道上旌旗輦鼓駢高槐啼鳥暮春天清風日
碑懸霜劍高誼雲亭折柳筵霧濕朱衣增壯
氣雨隨臺閣下東川碧蹄館外頻回首光化
慙慙爲我傳

次韻

金安老

擁達車騎也闐駢簫鼓催征殷暮天擬遣雨師輕
戒路且容賓館爲開筵雙騫快覩東來鳳一去難
回北逝川珍重瓊瑰携滿袖高名畱與萬人傳

寄別諸賢宰

吳希孟

予客東邦未久而賢王問候侍予之使日
數至焉諸賢體王尊賓之意勤慎從事承
顏接辭歡如久與予因識東邦君臣之令也
西歸碧蹄書此致意

東風吹霧碧於紗崇禮門前白鳥斜春色尚淹連日

雨雙旌遙映五湖花回瞻勤政諸賢輔頌獻 皇庭
壯國家督眼離懷膺簡命夢魂猶泛海門楂

次韻

議政府領議政金謹思

方空細細感輕紗半榻香煙一穗斜
萬里往來蝴蝶夢三春開落杜鵑花
吹殘遠笛誰懷土過盡良辰不在家
日暮關山雲樹隔天津何處泊靈楂

議政府右議政尹殷輔

雨餘寒氣透輕紗征旆離亭夕照斜
詩句吟殘孤館月馬蹄踏盡滿山花
車書已見通中土肝膽仍知作一家
萬里奚囊收物象不妨東海遠浮楂

尹仁鏡

鶯聲和曉入窗紗飛絮顛狂整復斜
醉墨剩看鴻戲海唾珠還覺筆生花
莫言風壤殊千里只喜車書共一家
別後那堪雲樹思餘輝猶着漢江楂

金麟孫

臨分盡醉倒烏紗長路高低日易斜
好雨多情知滑道輕風惜別解飛花
晚春縱欲兼畱客戀闕其如又憶家
一去茫茫遼薊遠銀河何處問仙楂

沈彥光

倚欄長嘯岸烏紗步履江臯日已斜
夜醉有時邀

嶺月春愁無語對山花百年墮世皆千里四海斯
文共一家回首關河誰暖眼天津杳杳隔仙楂

吳潔

家家垂柳蔭窻紗綠暗紅稀燕子斜投館怕逢連
日雨回程落盡一春花風搏九萬方遷海路盡三
千始到家安石葡萄誰取去堪羞博望遠乘楂

朴洪麟

客路輕衫剪翠紗輝煌雙節影橫斜連村綠霧千
條柳傍水紅霞萬朶花儀度春容知律已詞源浩
汗自成家陪遊此地知難再魂夢空隨海上楂

承政院左承旨黃憲

郊野煙光綠染紗
天仙玉色映春斜
日邊已降無雙士
頭上曾簪第一花
長路驅馳專使節
清班黼黻潤皇家
關山回首還惆悵
萬里吟鞭送客楂
海外孤陋幸逢大
雅數日陪遊爲幸
已多斯文一脉無
間遐裔心契道符
則可以尚友黃卷
神交千里矧此親
承笑語辱荷傾許
者耶
僭踰實深區區欽慕
無任下懷今當奉別
不勝惆悵謹錄蕪語
伏呈兩大人節下

金安老

方音雖隔意先通何幸杯盤許暫同仁自帶牛知
遠澤義高推綬想遺風光分花筆山增彩錦奪宮
袍日闔紅惆悵離筵今夜月分明共照五雲東

其二

昨夜文星照海堧鳳綸擎出兩儒仙隱之詩句清
風在文肅家聲直氣傳暫假顏溫叨下榻永畱談
屑賴遺篇迢迢黃鵠重霄上極目停雲只黯然
碧蹄館西二十餘里有石將軍二卓立於山上
其下有臺址草木交蔽道傍望之可見

龔用卿

山頭青石高入雲何年化作二將軍朝朝暮暮三韓路只與空村麋鹿羣

其二

高臺野草蔽荒陲石作將軍體貌奇不是峰頭望鄉客當關元自固藩籬

次韻

鄭士龍

高峙雙軀擢白雲堂堂冠劔可張軍斲磨不假他山質意氣雄豪自出羣

非關壓勝鎮邊陲高並成都石笋奇莫道將軍無自衛薜蘿爲帶樹爲籬

過碧蹄道中見二石將軍

吳希孟

驅車出碧蹄遙見雙奇石削石成將軍巍巍數百尺
勒燕空遺容乘障存遐迹挺立當萬峰千年位不易

次韻

鄭士龍

高懷慕元章下車獨拜石斲化肖冠劒凜然高幾
尺秦橋督鬼功漢壇畱仙迹不是煩雷斧歷劫終
難易

坡州館用吳黃門東坡韻

龔用卿

翠峰丹壑俯流河脩徑深林映碧坡雨過輕煙生半
嶺雲迷垂柳亂中阿松風乍起鳴巖籟鼓吹時來雜

權歌回首空庭曾半榻洞門深鎖翳藤蘿

次韻

鄭士龍

經行攬勝極關河州館佳名晨賞坡幽榭喜蒙新
扁字晚雲增媚舊山阿梁空語燕忙營壘柳暗遷
鶯互答歌惆悵芳樽難駐節夜來晴月照煙蘿

過坡州館見衆芳搖落次予師史鹿野韻

吳希孟

碧樹平坡閱石壁白雲深處有山城停驂半餉看花
落滿地芬芳未識名

次韻

鄭士龍

初來花事爛盈盈歸未經旬綠滿城自是詩仙題
品別海邦紅紫揔閒名

滴翠亭

吳希孟

雨滌萬株清亭高山與平好音聞過鳥彩色動飛旌
茂草溪流暗晴巒煙景明花間餘滴滴香氣洽人情

次韻

鄭士龍

槐陰小坐清草徑與階平偶賞有天數曾心淹使
旌輕陰畱夕照微雨翳花明灑翰標佳扁他時轉
見情

重到臨津江用吳龍津遊漢江韻

龔用卿

潮平江岸小林淨野煙開近水亭依樹平雲石傍臺
青山響松枯白日震風雷何處鷗波渺漁舟點點來
次韻 鄭士龍
山氣含江暝蒼茫暗不開蘭橈依岸曲候火出山
臺延賞杯難進催行鼓似雷已成今視昔他日若
爲來

重泛臨津江戲作

吳希孟

江水一清見底劒芒雙白橫空冉冉岡前雲度灑灑
津上龍舳

其二

遠樹雲吞鰲頂孤洲沙擁江心潮落舟橫村渡風來
浪洗山陰

次韻

鄭士龍

寒衣乍脫重襖春服初試方空江舸乘潮緩轉詩
情御氣高狎

白雪音畱江上青山影落杯心偶然諧得戀賞不
是玩送光陰

晚渡臨津江次雲岡學士遊漢江韻

吳希孟

蘭舟隨蕩漾笑語又同羣沙抱江邊曲風成水上文

潮生平古渡嶺極接層雲村樹爭歸鳥煙光起夕曛

次韻

鄭士龍

水深魚得計灘遠鷺爲羣細浪搖檣影清波煥鵲
文歸心懸捧日離思正關雲小酌不成醉含情江
樹曛

重渡臨津江縱魚歌

吳希孟

朝鮮之役始東邁也雲岡學士偕予渡臨津
之江漁魚獻東君意也雲岡與予憫鱗之困
于數罟也得卽釋去二鯉尺餘繫之江焉曰
此天池也旋當復我數日西歸猶存皆戚戚

然感而曰此更生之會也遂舍之君子曰是
舉也有四美焉縱不尺也仁也尺有廼縱義
也漁之入勤也東之致漁以致敬也悲是魚
也其不幸于遇其亦幸于遇也與哉于是龔
伯吳伯賦靈沼之二章判書鄭子觀察金子
賦魚蘋之三章漁父叩舷而歌嘉魚君子曰
由是推之也聖人之養物不傷也遂生也以
盡性也其獨魚也夫

我來觀風大江東衝煙共濟三五同漁人擊楫來松
舸罟網多罹鯉與鯛烝然罩罩我心慌擇其細者投

江中一二盈尺將入隴恤之繩係清流沖嗟魚吞舟
不可逢却將涸轍來邀功爾鯉琴高種自崇舍海波
濤遭此籠圍圍洋洋強戲葑浩浩蕩蕩難與容東回
望見雙鯉紅不覺良心轉沖沖呼童解索縱之淙令
爾脫然入大洪深淵莫戀凡魚叢甘餌莫貪不義繁
三十六鱗隨變翬九萬里風自凌空一躍禹門輕崆
峒廣樂天池何淪融結緣長者秉至公受記芳鱗當
奮雄早降霖雨消塵埃滿散天花答蒼穹萬民仰爾
有年豐一人坐享大平隆魚兮魚兮當爲龍斯不負
吾救爾之困感我之恫

次韻

鄭士龍

荆江赤壁在吾東來遊 詔使蘇仙同桃漲初生
容泛舸入網松鱸與衛鯛厨人得雋恬不慌活剥
串炙洪鑪中登盤指動共吞嚙誰肯放爾溟波沖
龍津丈人偶然逢推念萬物天同功魚鳥棲潛在
深崇天機自在難留籠胡爲貪餌辭舊葑穿腮煦
沫盆水容刀几誰憐尾鬣紅孟公博我心期冲放
生奚獨常州滌此間有水清而洪縱汝好隱藻荇
叢慎出莫犯漁人繁龍門點額乘風翀天池浩渺
層霄空先生有劒掛崆峒超挹元氣凌冲融餘力

控此赤鯁公斬蛟血染霜鋒雄遂令四域無驚烽
普注霖雨回蒼穹澤被海外作時豐豈徒此魚恩
私隆終期贊翊在天龍收功咸若民無恫

臨津江戲作口號

吳希孟

亭上觀江江上亭蜓飛點水水飛蜓客呼舟子舟乘
客萍壓魚頭魚食萍

次韻

鄭士龍

絕壁衝波控短亭渚花飄雪亂蜻蜓三春不覺忙
間過笑殺身如水上萍

東坡館翫月用王司馬韻

龔用卿

山景向昏暝郵亭擁小坡角聲傳夜永月色傍人多
隱几挑鄉思題詩戰睡魔西歸旬日內此地已重過

次韻

鄭士龍

清江纔捨棹候館正嚼坡一舍詩篇在重來意緒
多疎簾先受月細酌試奔魔獲玖慚虛報高吟至
百過

重過東坡館次雲岡韻

吳希孟

州東敞一坡定方開巨館葱翠障四隅屋簷接山半
東坡曾游陽美邑蘭陵書院空遺迹爾館此名何自
來殊覺山川自生色蜀南遼左路難通聖人四海心

相同地靈人傑果如此尚論豈獨奇蘇公道體源流
能善變觀瀾逝者如斯見慕華久著東方人陳良北
學曾游甸造化原無彼此私欲仁斯至何足疑

次韻

鄭士龍

東國切中華東坡揭州館細讀兩仙詩不覺思過
半西蜀繫地眉陽邑三蘇卓卓畱名迹地因人勝
古所云豈是取名須物色中外雖殊氣則通真假
互根終歸同吾邦選使盡才望嘗聞物論歸長公
寧知嚮慕名亦變華扁忽揭人改見高樓弘敞壓
道周莽蒼煙蕪連海甸小見安能祛我私欲向大

方煩釋疑

東坡道中次雲岡韻回文體

吳希孟

溪流遠渚雨霏霏樹繞橋邊溪傍扉
喧鳥驚搖枝動葉亂雲騰上石披衣
村山濤道愁人去熟路輕車速馬歸
溫日暄天麗氣爽石巖映草帶霞飛

次韻

鄭士龍

溪溪弄破襲霏霏永晝清風橫鎖扉
喧寂任遭閒是趣綠緋拋着野爲衣
村村足雨經春晚院院收燈放客歸
溫詔布恩優眷重薊遼過處遠旌飛

吹笛亭

吳希孟

孤亭四控萬株松小港斜侵斷復通最是不堪風雨
夜淒其都付笛聲中

次韻

鄭士龍

天籟時聞逗萬松危亭不礙八窗通玉笙吹斷梅
花落麗代興亡一望中

吹笛橋

吳希孟

吹笛亭觀吹笛橋長虹斜跨碧山腰前朝戰馬歸流
水夜半江聲送落潮

次韻

鄭士龍

落日伶俜渡畫橋半邊芳草抹裙腰江聲不洗前

皇朝詩集
朝耻依舊春流應海潮

重入開城大平館

龔用卿

青郊團野色綠草匝溪纖遠水浮金鑑羣峰露碧尖
庭花飛滿徑江檻捲疎簾燕子猶知客頻來似不嫌

次韻

鄭士龍

春陰含院落飛雨映雲纖已點絳桃臉新抽綠筍
尖風微剛動幕日薄只烘簾歸橐無裝物千篇貯
未嫌

和雲岡學士開城十絕

吳希孟

十里汀洲綠色新當年宮宇寢紅塵不聞鸚鵡開籠

語惟有山花照玉人

其二

鳥倦歸林日已昏
月來清館寂塵喧
遙看廢址花陰少
零落殘枝積淚痕

其三

晴雲捲霧曉山青
吹笛橋邊野樹橫
莫謂春深花事淺
更看重綠護雲程

其四

夜靜山城畫角清
花隨村月度簾明
那堪此際渾無賴
漫檢詩囊寄客情

其五

萬里風光總是春東風吹散六街塵
花移庭影雲隨轉燕語雕梁似近人

其六

紛紛紅紫艷陽天花錦鮮鮮帶柳煙
撫景開城春正好宮垣何必廢當年

其七

滿目塵紛景亦佳海雲冉冉幔羅崖
鶯調綠樹山窗曉香霧幽幽起客齋

其八

千山層疊勢岩嶢石卧花溪度客輶吹笛峰頭人不
見山城誰氏學吹簫

其九

風土相看渾似古家家村屋覆重茅還應此地無游
獵又見林端匝鳥巢

其十

山雲縹緲水重重眼外晴暉掛碧峰不見騷人貪賦
詠旌旄猶入畫圖中

次韻

鄭士龍

扶蘇山舊色還新萬古興衰一片塵畱取城池壯

形勢至今供與弔亡人

征東舊省目前昏當日經營賀燕喧
閱得忠邪同泯滅挽河今洗亂時痕

紅杏梢頭酒幔青晚煙猶帶戟門橫
春光不覺堂堂去綠漲依然暗舊程

水簾琴筑瀉來清古殿巍然指廣明
誰識真人餘

故宅山僧唯說勝緣情

麗祖捨宅爲寺
號廣明今廢

卜曆曾經五百春悠悠芳臭盡成塵
制科哀錄多

東土畱與文章式後人

迎梅雨作送梅天使節驅馳犯霧煙
幾處亭顏光

射斗他年鴻迹討當年
龍門一接士皆佳卓立難攀萬仞崖談次幾回承
善謔平生自信太常齋

天磨翠嶂挿岩嶢見賞如今駐使輶上界有仙應
過此碧霄如水夜橫簫

隱隱重巒控近郊山中何處可誅茅紫霞洞裏松
千尺羽駕來時動鶴巢
宿障勞生隔幾重徒聞海外有三峰廢書嘆息成
愁絕今古都消醉夢中

觀高麗故宮賦此以弔之

龔用卿

松蓋扶疎十里陰層臺石壁紫苔侵當年歌舞翻成
夢今日東風碧草深

其二

蒲地荆榛野草春池臺宮闕盡灰塵芄芃禾黍迷阡
陌流水無心逐去人

其三

千層石級建高臺麋鹿朝遊長綠苔松嶽浮嵐青自
好月明時有鶴飛來

次韻

鄭士龍

石臺崩敗故城陰煙草芊綿輦路侵行邁悠悠誰

復識騷人弔古意偏深

搖搖歸旆帶殘春
領略英雄一片塵
從古荒亡唯一轍
都緣自絕不由人

高高下下只空臺
使節諮詢訪草苔
定是詩成堪泣鬼
不應尋古等閒來

開城登高麗故址

吳希孟

嵩岳倚荒城
登臨景物清
萬松風韻合
百澗石分明
曉日樵歌滿
芳春牧唱行
地濕煙多嶼
江清鷗泛滋
頽宮青壁斷
破砌綠苔生
歌舞迷衰草
衣冠逐亂萍
山川含故態
桃李放新榮
眺望殊荒落
驚飛枝上鶯

次韻

鄭士龍

宮廢只臺城
喬松送籟清
歌樓山鳥哢
輦路野花明
麗祖真身致
孱孫不嗣行
山圍猶據勢
水逝不留泓
感自封疆始
虞從肘腋生
綢繆初鞏石
泮散竟漂萍
迹厠雙旌返
褒蒙一字榮
還賡懷古什
畱取賀遷鶯

至開城

國王遣許叅贊黃承旨來設宴口占

識別

龔用卿

許相黃承旨
開城設祖筵
花明黃海道
柳暗漢城天
遼左馳歸騎
春風不用鞭
爾歸報王語
相憶倍他

年

次韻

許洽

宸翰優東國綸音輟講筵
飛黃騰海路獸錦耀春
天有酒難投轄非才願執鞭
鶯花行欲老離恨逐
流年

承政院右副承旨黃琦

白駒難自繫青眼更離筵
江海相忘處煙波欲暮
天落花供醉興芳草入吟鞭
翰墨真餘事功名政
妙年

予至開城王遣許叅贊黃承旨來候行送慰

禮畱此爲別并致韓畱守金觀察 吳希孟

漢江離緒水難窮逸興東西夢寐中
春暮落花浮別渚鳥啼深樹送清風
溪分亂石雲光靜江擁歸潮海氣通
東國正供方絡繹還期闕下喜相逢

次韻

許洽

歸興春濃浩不窮海山煙樹醉吟中
咨詢共說皇華使博雅曾聞長者風
遠嶂雨昏青半露芳洲潮打碧初通
仙槎萬里遼天迴萍水何年得再逢

開城府畱守韓胤昌

誰言荒僻海隅窮久在東漸 聖化中朝聘年年

瞻舜日衣冠濟濟慕華風初看 詔使篇章麗方
信斯文氣脉通到處江山添勝迹東人從此說奇
逢

京畿觀察使金希說

去住依依意不窮驪駒一曲夕陽中花嬌醉臉含
朝雨柳感愁眉惹晚風天上星槎那易挽人間魚
信儘難通江雲渭水應相憶樽酒何時得再逢

黃琦

三韓迢遞路無窮丹禁依依入夢中情緒已應知
莫逆語言胡奈不同風桃花浪急輕舟穩竹葉杯

皇華集
深大道通青眼他年雲樹隔此生何處更相逢

開城道中見溪上籠魚

吳希孟

山秀溪含翠林深鳥自來瑤花銀岸轉玉藻錦洲開
蘭槩浮花浪萍魚逗竹罨臨流心自洗道履滯蒼苔

次韻

鄭士龍

清波含錦幕非爲矢魚來圉圉欄初動莘莘荇復
開義生何忍獨索笑乍煩罨放爾西湖水沙明兩
岸苔

金郊道中口號

龔用卿

景交二月三月日過千山萬山孤島輕雲海上落花

流水人間

其二

乳燕頻來四五飛
鴻遙見二三風
光頗同薊北客
夢長繞江南

次韻

鄭士龍

雨宿新添麥浪溪
奔亂折春山
離愁正擣心
曲歡緒難憑夢間

高才卓越倍百陋
質薰沐逾三翰林
筆追內史諫議學嗣征南

吾助川

吳希孟

助川百折抱山去夾岸綠叢環珮鳴蒼厓翠壁錦屏
立白衣冉冉花盈盈春霞散却波心綺晴煙染出峰
頭青葦橋橫跨朱欄曲松溪宛轉茅茨平石上蘚苔
翠欲滴山中石窟傳絃聲籃輿穿雲破雲去傍人指
說青天行歸來三月春色暮桃花錦浪搖空明美斯
川之真吾助幽幽濯淨樊籠纓

次韻

鄭士龍

山支忽斷如立堵積鏃橫捍奔川鳴窾冗埋沙受
洩水白虹沉沉終不盈錦屏崑嵯寫鏡面瑤草承
崖春遍青靈源遠自瓢淵瀑布名來曲爲湍激舒瀾

平瓢淵懸瀑軼廬山天紳萬丈噏雷聲餘流奇絕
尚如此句引 詔使昇天行長篇短韻互標別水
增媚色山增明川名從此顯天下可但滄浪清濯
纓

過脫彌嶺

吳希孟

脫彌乘曉發嶺路碧雲堆蒼白天花墮縱橫寶象來
上勾懸日月下界走風雷飛錫穿苔去渾如西域回

次韻

鄭士龍

羊腸百八曲騎從踏雲堆不阻星槎返曾經漢詔
來旌旗穿夕霧鼓角動晴雷憑報山靈道天仙閱

幾回

重宿興義館

龔用卿

停驂興義泛春醅
落絮紛紛濕紫苔
山色多情依舊在
好春光有意待重來
鶯啼樹暝雲侵席
人靜月明花滿臺
短燭長檠添旅思
呼童覓紙索詩裁

次韻

鄭士龍

細酌官醪正潑醅
庭除步屨掃莓苔
燒殘燭跋侵宵短
捲盡簾鉤待月來
萬里歸心猶在客
一春愁緒強登臺
豈將視草西清手
付與詩囊滿意裁

興義館

吳希孟

開簾入山水香篆接巒煙杯落江皋月泉來溪石絃
蔦蘿依壁翠蝶粉撲衣鮮坐久燈花落清風集綵筵

次韻

鄭士龍

暫停潭上旆還度石門煙松韻晴生籟灘聲夜鼓
絃詩新盤走永筆老錦摘鮮每挹清光近春風滿
四筵

過猪灘

吳希孟

一灣澄碧抱山阿何日題名猪港河未見江豚夜吹
浪曾聞有豕雨征波獺牙取象垂文遠剛鬣成牢載
禮多雖爾東遼奇此物清流莫遣白蹄迤

次韻

鄭士龍

泓從靈瀑落山阿路走東西控沮河玉節衝煙臨

鳥道蘭舟盪槳送鳬波千年古渡分疆

百濟以此水爲界一

名沮水

遠百戰遺墟拾鏃多候送皇華多少士衣冠

奔駿盡逶迤

過金巖口號

龔用卿

迎波驛路向西南漆嶺猪灘石壁巉沙白土紅三十
里煙光起處是金巖

次韻

鄭士龍

已挹高名擅斗南詞鋒復並海山巉東來物色多

題品畱與文章勒翠巖

金巖館道中口號

吳希孟

千重萬重山水三舍五舍人家橋東橋西楊柳樹頭
樹底煙霞

其二

蝶倦翅落紅花人行身環綠草莫云煙樹五湖已見
蓬萊三島

次韻

鄭士龍

東橋酒旆幾店西崦綠車三家爲問千里鞍馬何
如一區雲霞

神交意足飲醇好夢詩成生草俊逸君兼鮑謝瘦
寒我似郊島

望寶山

吳希孟

百里征鞍馬足闌高山未盡又平巒借問寶山何處
是孤煙浮白綠陰環

其二

昔過山前花盖葉今來山下葉蔽花拂面暖風吹未
盡鳴鳩何事喚栽瓜

次韻

鄭士龍

重重綠樹護朱闌簾捲東風對夕巒斜日浮嵐濃

掩靄小橋流水細彎環

憶向江頭迎漢節始看紅糝綴桃花流光幾許還
脂轄歸及金臺定削瓜

南川調憶秦娥

吳希孟

山重重南川渡口草橋通草橋通清流激湍虛谷生
風芰荷清處點殘紅點殘紅黃鸝鳴柳白鷺橫空

宿寶山館

龔用卿

興義至寶山土壤色皆赤漫山開紫花下有狐兔迹
其上多青松相映燦金碧愛此繪畫竒立馬緩鞭策
清賞欲久延車塵滿前陌雖有重別心其如西歸客

入館解征衣前溪日已夕

次韻

鄭士龍

數舍百里間富媪釀埴赤澄潭寫鳥影繚逕多獸
迹煌煌使輶過正值春山碧巖花撲征衣洞雲縈
馬策有興無疾驅丹崖與紫陌勝地本前期流光
一過客道路豈有窮佳辰幾今夕

寶山道中

吳希孟

樹色參差封兩岸鳴泉暗處度聲來紅塵不到青山
隔袖拂松花坐石苔

次韻

鄭士龍

玄菟山水元佳麗況被仙曹潤色來羅帶玉簪俱
入畫更煩題詠剔荒苔

重遊蔥秀山

吳希孟

晴山旖旎萬象出祥光燦爛春雲飛湍迴百折水晶
裂千尋虬捲江濤輦青林隱隱疎復密柯交樹結蒼
鼉肥鳥飛貝葉潭底度龍涎吐納山增輝珊瑚明朗
日自麗草木榮秀時芳菲徘徊欲舉花間漿去認瑤
林金玉屏煙光凝紫興堪與未識雲津徒自希三山
之神在何所清和時候荒漁磯重來此地足幽賞物
色芬芳不易違桃花樹樹飛紅雨游絲故故流晴暉

峰藏錦繡自逞媚晚煙淡掃籠青幃霞生巖底常青
草繞壁藤蘿深翠薇泉來石上絃聲切依倚玉指調
金徽我將神游愧恍惚構圖繪覺人間非忽聞玉笛
天邊起吹破山雲見紫微日落西巖芳樹遠清風頻
送馬蹄歸

次韻

鄭士龍

茲山遇賞自主峰話本遠向中華飛水濱壁立翳
藤蘿山氣索然無煥輦一經天眼鑑識別山增峻
偉水增肥文章簡雅叙勝踐上摩奎緯通光輝時
當妍暖春序闌山花礪草皆芬菲神泉瀧瀧泄虛

牝煙霞斐疊粧巖扉貞珉有載似召棠風望異世
今人希寧知兩仙撫往迹爲駐玉節盤苔磯頒慶
旋車恣幽討預戒鄙人令勿違促行屏從自寶山
山頭杲耀昇朝暉障流承空縱活鱗編橋架梁聯
幘幘意行窮賞復小酌盤羞草草登蕨薇溪喧雜
佩惺醉耳不勞嘈切鳴琴徽夕陽在嶺鴉趁棲匆
匆一會如夢非翠屏新賞耀雄文直與董碑爭纖
微越裝何用要千金橐中收此溪山歸

安城道中

吳希孟

千峰環翠一屏開歸路雲蹄雜澗雷加嶺徑盤松石

曲定橋水抱野村迴風飄柳絮鋪銀坂霞綴桃花點
碧莓試目春郊時去住爲憐此地不重來

次韻

鄭士龍

輕陰漠漠晚還開笳鼓前驅響轉雷一道巖巒雲
繚繞半邊林壑水縈迴春光有象描紅藥雨意無
憑寄綠莓此景此時難把玩不堪他日黯然來

龍泉道中題屏風巖

吳希孟

嶺巖峭嶮翳莓苔誰遣青屏架石開風雨漸磨山骨
斷煙霞常傍石眉來清流掩映園中畫好鳥飛鳴坐
裏梅安得凌空張几席共君環抱話雲臺

次韻

鄭士龍

崖面陰森護紫苔日臨煙渚畫圖開
曾經天眼標名去更被儒仙激賞來
此日觀風收物色他年調鼎濟鹽梅
冥鴻踏雪無畱迹喚作元章拜石臺

重過龍泉

龔用卿

看山移石聞啼鳥對水停杯數落花
望裏聲聲蔽密塢香浮片片泛流霞

其二

小筵張幕近溪涯古洞清流泛白花
館伴殷勤將別意閒看射獵日西斜

次韻

鄭士龍

山頭雉雒翳嵐彩水面魚行吹柳花寒氣剩添連
宿雨晴光忽透散殘霞

龍門日日已逾涯每得佳篇絢筆花苦掉吟頭猶
不已傍人錯訝帽簷斜

過劒水口占

龔用卿

黃鶯啼翠柳白鷺滿滄洲山下雲埋屋溪邊人倚樓
其二

徑路微如綫松風鼓水文輕輿三十里衝破嶺頭雲

二館相距皆在
嶺上路多高峻

其三

龍泉望劒水隔岸兩溪分
點點山花小時時拂袖聞

次韻

鄭士龍

畫新雲釋嶠繡錯水回洲
望裏成幽境吟邊聳玉樓

湖邊元得句嶺外更傳文
投分期膠漆相思隔樹雲

初逢春錯莫欲別地橫分
此會那能又他時鴈字聞

宿鳳山洞仙館

龔用卿

薜荔蔽巖窟
靡蕪蔽石田
嶺頭多種麥
樹底見流泉
山勢團如釜
花香綻小錢
笛聲橫古洞
彷彿見飛仙

次韻

鄭士龍

峻嶺斜連郭
平蕪半雜田
架梁通野渡
依石貯山泉
階藥春葢院
亭臯買費錢
定知增物色
畱賞兩詩仙

棲鳳亭

吳希孟

鳳山館有松萬株
中開一亭龔太史
登亭名曰棲鳳
予于坐間偶成得
草字後改爲藻不
知太史已和之矣
故補之

松籟捲江濤恍然歸海島山高多彩雲劒利知素抱
鳴鳳九重來幽亭四闢好依依覽德輝清馥生春草


次韻

鄭士龍

威鳳本瑞世如何來海島聖人嘆不至可知傷世
抱東韓雖僻遠雙鳳來儀好名亭豈落莫文字自
諫草

皇華集卷之二十

韻無昌山南多水三陰休賦素節





世

國

十